

Bosna i Hercegovina  
Federacija Bosne i Hercegovine  
KANTON SARAJEVO  
Kantonalna javna ustanova za zaštićena prirodna područja

**P R A V I L N I K**  
**O LIČNIM ZAŠTITNIM SREDSTVIMA I LIČNOJ ZAŠTITNOJ OPREMI RADNIKA**  
**KANTONALNE JAVNE USTANOVE ZA ZAŠTIĆENA PRIRODNA PODRUČJA**

Sarajevo, novembar 2023. godine

Na osnovu 27. Zakona o ustanovama („Sl list RBiH“ br. 6/92, 8/393 i 13/94), odredbi Pravilnika o sredstvima lične zaštite na radu i ličnoj zaštitnoj opremi (“Sl. list SFRJ“ broj 35/69), a u vezi sa Zakonom o zaštiti na radu (Službene novine FBiH br. 79/20), člana 26. Pravila Kantonalne javne ustanove za zaštićena prirodna područja broj: 01-144-I U.O./17 od 27.06.2018. godine te Akta o procjeni rizika Kantonalne javne ustanove za zaštićena prirodna područja broj:176/23 od 22.09.2023.godine, Upravni odbor Kantonalne javne ustanove za zaštićena prirodna područja na devetoj redovnoj sjednici koja je održana dana 07.11.2023. godine donio je

## **P R A V I L N I K**

### **O LIČNIM ZAŠTITNIM SREDSTVIMA I LIČNOJ ZAŠTITNOJ OPREMI RADNIKA KANTONALNE JAVNE USTANOVE ZA ZAŠTIĆENA PRIRODNA PODRUČJA**

#### **I-PREDMET PRAVILNIKA**

##### **Član 1.**

Pravilnikom o ličnim zaštitnim sredstvima i opremi radnika Kantonalne javne ustanove za zaštićena prirodna područja (u daljem tekstu Pravilnik) određuje se:

- koja sredstva lične zaštite pripadaju radnicima na pojedinim radnim mjestima,
- način upotrebe ličnih zaštitnih sredstava,
- rokovi trajanja ličnih zaštitnih sredstava i opreme,
- obaveza radnika za zaštitu na radu da obezbijedi namjensko korištenje ličnih zaštitnih sredstava i opreme,
- obaveza radnika da namjenski koristi sredstva lične zaštite,
- odgovornost radnika za upotrebu sredstava lične zaštite i održavanje u ispravnom stanju,
- odgovornost za nepridržavanje mjera zaštite na radu i nekorištenje sredstava za ličnu zaštitu i opremu,
- vođenje evidencije ličnih zaštitnih sredstava i opreme i stalno praćenje ispravnosti sredstava lične zaštitne opreme,
- prelazne i završne odredbe, a na bazi usvojene organizacijske šeme u firmi.

#### **II-OBAVEZE POSLODAVCA**

##### **Član 2.**

Poslodavac je dužan da obezbijedi radnicima sredstva i opremu lične zaštite, ne smije staviti u upotrebu ukoliko nisu izrađena u skladu sa zakonom i obavezan je da ih održava u ispravnom stanju.

Poslodavac je dužan da isključi iz upotrebe sredstva i opremu lične zaštite na kojima nastaju promjene zbog kojih postoji opasnost po sigurnost i zdravlje radnika.

#### **III-LIČNA ZAŠTITNA SREDSTVA ODNOSNO OPREMA**

##### **Član 3.**

Lična zaštitna sredstva, odnosno oprema, su odjevni i drugi predmeti namijenjeni za zaštitu pojedinih ili svih dijelova tijela radnika koji su izloženi opasnostima od povreda i štetnostima po zdravlje, a koje mogu ugroziti radnika pri izvršavanju postavljenih mu poslova i radnih zadataka u procesu rada.

Lična zaštitna sredstva primjenjuju se u slučajevima kada se radnik na radu ne može efikasnije zaštititi drugim mjerama zaštite.



#### **Član 4.**

Sredstva i oprema zaštite na radu moraju imati svoje uvjerenje o čemu se pri stavljanju u promet mora pobrinuti proizvođač, a u toku upotrebe o uvjerenju se brine radnik za zaštitu na radu i radnik koji je zadužen za ta sredstva i opremu.

Radnik za zaštitu na radu dužan je čuvati kod sebe ta uvjerenja, i to sve dotle dok je sredstvo i oprema u upotrebi kod radnika i voditi evidenciju.

#### **Član 5.**

Dodjelu sredstava i opremu za ličnu zaštitu radnicima na upotrebu odobrava direktor.

Dodjela sredstava i opreme se vrši se pri zasnivanju radnog odnosa radnika i njegovog raspoređivanja na radno mjesto na koje im pravo na ličnu zaštitnu opremu i sredstva kao i onim radnicima koji se raspoređuju s jednog na drugo radno mjesto ukoliko na to imaju pravo prema tabelarnom prijedlogu.

#### **Član 6.**

Pri raspoređivanju radnika sa jednog na drugo radno mjesto radnik ne može ostvariti pravo dodjele ličnog zaštitnog sredstva i opreme dok se na propisan način ne razduži sa ličnim zaštitnim sredstvima i ličnom zaštitnom opremom sa kojom je bio do tog momenta zadužen.

#### **Član 7.**

Radnik je dužan da pravilno upotrebljava sredstva za rad i opremu, opasne materije i druga sredstva proizvodnje u skladu sa uputstvima za siguran rad koja daje poslodavac.

Radnik je dužan da pravilno upotrebljava sredstva i opremu lične zaštite koja su im dodijeljena i da ih nakon upotrebe vraćaju na mjesto na kojem se čuvaju.

Nenamjenska upotreba i korištenje propisane lične zaštite smatra se povredom radne dužnosti i povlači odgovornost korisnika.

#### **Član 8.**

Za radnike koji ne budu koristili sredstva za ličnu zaštitu i opremu pri obavljanju poslova na radnom mjestu za koje je utvrđena upotreba sredstava i opreme za ličnu zaštitu, protiv istih će se primjenjivati mjere disciplinske odgovornosti u skladu sa Zakonom i odgovarajućim opštim aktima.

#### **Član 9.**

Radniku se mora lično zaštitno sredstvo ili oprema, koja više nije za upotrebu usljed dotrajalosti ili oštećenja, zamijeniti novim ispravnim. Pri dodjeli novog, staro se oduzima. Ako je do zamjene došlo prije roka upotrebe lične zaštitne opreme i ličnog zaštitnog sredstva, zapisnikom se utvrđuju razlozi prijevremenog oštećenja i uništenja ličnog zaštitnog sredstva i opreme.

#### **Član 10.**

Ako se utvrdi da je radnik namjerno uništio ili otuđio ličnu zaštitnu opremu i lično zaštitno sredstvo prije isteka roka trajanja, smatra se da je učinio materijalnu štetu i prema njemu će se postupiti u smislu opšteg akta koji reguliše pitanje naknade materijalne štete firmi.

#### **Član 11.**

Radnicima se za držanje i čuvanje lične zaštitne opreme i ličnog zaštitnog sredstva mora obezbijediti odgovarajući prostor, tako da radna oprema ne dolazi u dodir sa ličnom odjećom.

Radnik za zaštitu na radu je obavezan da zabrani rad na radnom mjestu, odnosno da zabrani upotrebu sredstava za rad i sredstava i opreme lične zaštite u slučaju kada utvrdi neposrednu opasnost po život i zdravlje radnika, te da o tome u pisanom obliku obavijesti poslodavca.

### III -EVIDENCIJA LIČNE ZAŠTITNIH SREDSTAVA I OPREME

#### Član 12.

Evidenciju ličnih zaštitnih sredstava i opreme, stalno praćenje ispravnosti lične zaštitne opreme i ličnog zaštitnog sredstava i evidenciju izdavanja, zaduženja i razduženja vodit će radnik za zaštitu na radu.

#### Član 13.

U skladu sa aktom o procjeni rizika ličnu zaštitnu opremu koriste sljedeća radna mjesta:

Redni broj	Radna mjesta	Lična zaštitna oprema
1.	Direktor	/
2.	Pomoćnik direktora	/
3.	Rukovodilac Sektora nadzora, zaštite, očuvanja, održavanja i promocije zaštićenih prirodnih područja	/
4.	Šef stručne službe zaštite, očuvanja, održavanja i promocije zaštićenih prirodnih područja	/
5.	Glavni nadzornik	zaštitna kaciga, zaštitne naočale, zaštitna maska, zaštitne kožne rukavice, reflektirajući prsluk, zaštitne cipele sa potplatom otpornom na probijanje i klizanje, zaštitna kapa/ kačket, naočale protiv sunčeve svjetlosti, čepići za uši, antifoni po potrebi, službena uniforma toplo/ hladno, zaštitni pojas/ bubrežnjak za leđa, štitnici za uši, kišna kabanica, zaštitne postavljene cipele/čizme, mobilni aparat za komunikaciju.
6.	Nadzornik	zaštitna kaciga po potrebi, kačket, kapa za toplo/hladno, zaštitne naočale, naočale protiv UV zračenja, štitnici za uši, zaštitna maska, zaštitne kožne rukavice, zaštitne kožne rukavice od mehaničkih povreda, zaštitne gumene rukavice za zaštitu od udara električne struje, službena uniforma za toplo/ hladno reflektirajući prsluk, kišna kabanica, zaštitne cipele sa potplatom otpornim na probijanje i klizanje, zaštitne cipele sa potplatom otpornim na udar električne struje, zaštitne čizme otporne na ujed zmija i ostalih opasnih životinja, zaštitne cipele za toplo/ hladno, mobilni aparat za komunikaciju.



7.	Stručni savjetnik za poljoprivredu, vodu i zaštitu kulturno-historijskog i prirodnog nasljeđa	/
8.	Stručni savjetnik za biodiverzitet i održivi razvoj	/
9.	Stručni savjetnik za šumarstvo	/
10.	Stručni savjetnik za promociju, marketing i informisanje	/
11.	Stručni saradnik za biodiverzitet i održivi razvoj	/
12.	Stručni saradnik za poljoprivredu i ruralni razvoj	/
13.	Stručni saradnik za šumarstvo	/
14.	Stručni saradnik za izradu i praćenje međunarodnih projekata iz oblasti zaštite prirode	/
15.	Voditelj poslova održavanja zaštićenih prirodnih područja	zaštitna kapa, zaštitne rukavice, zaštitne cipele sa potplatom otpornom na probijanje i klizanje, zaštitna kapa, kačket, naočale protiv sunčeve svjetlosti/UV zračenja, obična zaštitna maska, zaštitne kožne rukavice, službena uniforma, zaštitne kožne cipele otporne na probijanje, zaštitne čizme otporne na ujed zmija i ostalih opasnih životinja, mobilni aparat za komunikaciju.

16.	Radnik na održavanju zaštićenih područja KV	zaštitna kaciga, zaštitna kapa/ kačket, kapa za toplo/hladno, štitnici za uši za hladno, čepići za uši, antifoni, zaštitne naočale, vizir, naočale protiv sunčeve svjetlosti, zaštitna maska, zaštitne kožne rukavice od mehaničkih povreda, rukavice za varioce, zaštitne gumene rukavice za zaštitu od udara električne struje, zaštitne rukavice otporne na nagrizanje, zaštitne antivibracione rukavice – po potrebi, reflektirajući prsluk, zaštitni kombinezon sa dugim rukavima, radno odijelo toplo/ hladno, kišna kabanica, zaštitna pregača za zaštitu varilaca, štitnici za koljena za radove gdje se kleči, cipele sa zaštitom kapicom i potplatom otpornim na probijanje i klizanje i električni udar, zaštitne čizme otporne na ujed zmija i ostalih opasnih životinja, mobilni aparat za komunikaciju, zaštitne postavljene cipele/čizme za hladno.
17.	Radnik na održavanju zaštićenih područja PKV	zaštitna kaciga, zaštitna kapa/ kačket, kapa za toplo/hladno, štitnici za uši za hladno, čepići za uši, antifoni, zaštitne naočale, vizir, naočale protiv sunčeve svjetlosti, zaštitna maska, zaštitne kožne rukavice od mehaničkih povreda, rukavice za varioce, zaštitne gumene rukavice za zaštitu od udara električne struje, zaštitne rukavice otporne na nagrizanje, zaštitne antivibracione rukavice po potrebi, reflektirajući prsluk, zaštitni kombinezon/ radno odijelo sa dugim rukavima, radno odijelo toplo/ hladno, kišna kabanica, zaštitna pregača za zaštitu varilaca, štitnici za koljena za radove gdje se kleči, cipele sa zaštitom kapicom i potplatom otpornim na probijanje i klizanje i udar električne struje, zaštitne čizme otporne na ujed zmija i ostalih opasnih životinja, mobilni aparat za komunikaciju, zaštitne postavljene cipele/čizme za hladno.
18.	Šef Službe za ekonomske poslove i poslove naplate ulaza u zaštićena prirodna područja	/
19.	Stučni savjetnik za ekonomske poslove	/
20.	Stručni saradnik za poslove javnih nabavki	/
21.	Administrativni radnik za	/



	računovodstvene poslove	
22.	Radnik na naplati ulaza i obezbjedenju imovine u zaštićenim prirodnim područjima Bijambare	zaštitna kapa, štitnici za uši za hladno, kačket, naočale protiv sunčeve svjetlosti, zaštitne gumene rukavice za zaštitu od udara električne struje, radno odijelo toplo/ hladno, kišna kabanica, zaštitne cipele sa potplatom otpornim na klizanje i probijanje, zaštitne cipele sa potplatom otpornim na udar električne struje, zaštitne postavljene cipele/čizme otporne na ujed zmija, mobilni aparat za komunikaciju.
23.	Radnik na naplati ulaza u prostor Spomenika prirode "Vrelo Bosne"	zaštitne cipele sa potplatom otpornim na klizanje, kapa za toplo/hladno, radno odijelo toplo/ hladno, štitnici za uši, kišna kabanica, zaštitne cipele za toplo/hladno.
24.	Šef službe za pravne i opće poslove	/
25.	Stručni savjetnik za pravne poslove	/
26.	Stručni saradnik za pravne poslove	/
27.	Administrativni radnik za opće poslove	/
28.	Vozač turističkog voza na elektropogon	zaštitna kaciga prilikom obavljanja drugih poslova izvan turističkog voza – po potrebi, zaštitna kapa/ kačket, kapa za toplo/hladno, štitnici za uši za hladno, zaštitne naočale, naočale protiv sunčeve svjetlosti, zaštitne kožne rukavice od mehaničkih povreda, zaštitne rukavice otporne na nagrizanje, zaštitne gumene rukavice za zaštitu od udara električne struje, antivibracione rukavice po potrebi, zaštitno radno odijelo, radno odijelo toplo/ hladno, štitnici za uši, kišna kabanica, reflektirajući prsluk, cipele sa zaštitnom kopicom i potplatom otpornim na probijanje, klizanje, udar električne struje i

		nagrivanje, zaštitne čizme otporne na ujed zmija i ostalih opasnih životinja, zaštitne postavljene cipele/čizme, mobilni aparat za komunikaciju.
29.	Vodič po zaštićenim prirodnim područjima	zaštitna nepromočiva kapa/ kačket, naočale protiv sunčeve svjetlosti/ UV zračenja, službena uniforma za toplo/ hladno, zaštitne cipele sa potplatom otpornim na klizanje, kišna kabanica, zaštitne cipele za toplo/ hladno, štitnici za uši, zaštitne cipele/ čizme protiv ujeda zmija, mobilni aparat za komunikaciju.

## VII- PRIJELAZNE I ZAVRŠNE ODREDBE

### Član 14.

U pogledu pitanja koja nisu regulisana odredbama ovog internog akta, a koja se odnose na zaštitu na radu, primjenjivat će se odredbe Zakona o zaštiti na radu, te ostali važeći zakonski i podzakonski propisi iz ove oblasti.

### Član 15.


Izmjene i dopune ovog pravilnika vrše se na način i po postupku predviđenom za njegovo donošenje.

### Član 16.

Pravilnik stupa na snagu danom donošenja, a objavit će se na web stranici Poslodavca i u „Službenim novinama Kantona Sarajevo“ te oglasnim pločama Poslodavca.

Broj: 01-959/23

Sarajevo, 07.11. 2023. godine


  
**Predsjednik**  
**Upravnog odbora**  


---

**Mario Vukasović**



## OBRAZLOŽENJE

### Pravni osnov:

Pravni osnov za donošenje ovog pravilnika sadržan je u Pravilniku o sredstvima lične zaštite na radu i ličnoj zaštitnoj opremi ("Sl. list SFRJ" broj 35/69) kojim je propisano da „radi zaštite organizma i dijelova tijela, osobama koje su za vrijeme rada izložene određenim vrstama opasnosti i štetnosti stavljaju se na raspolaganje sredstva osobne zaštite odnosno stavlja se na raspolaganje osobna zaštitna oprema, ako se djelovanje opasnosti i štetnosti ne može drugim mjerama zaštite na radu otkloniti“, zatim člana 27. Zakona o ustanovama („Službeni list R BiH“, br. 6/92, 8/93 i 13/94) kojom je propisano da „upravni odbor donosi opšti akt o unutrašnjoj organizaciji i sistematizaciji poslova i druge opće akte u skladu sa zakonom i pravilima ustanove“.

### Razlozi za donošenje:

Kantonalna javna ustanova za zaštićena prirodna područja je provela zakonsku proceduru pribavljanja i izrade akta o procjeni rizika radnih mjesta od strane ovlaštenog pravnog lica za zaposlene u cilju uređivanja oblasti zaštite na radu po Zakonu o zaštiti na radu („Službene novine FBiH“, broj 79/20) i pripadajućim zakonskim propisima koji su doneseni na osnovu pomenutog zakona.

Akt o procjeni rizika radnih mjesta sadrži opis procesa rada s procjenom rizika od ozljeda ili oštećenja zdravlja na mjestu rada u radnom okolišu i mjere za otklanjanje ili smanjivanje rizika na najmanju moguću mjeru s ciljem poboljšanja sigurnosti i zaštite zdravlja na radu.

S tim u vezi Kantonalna javna ustanova za zaštićena prirodna područja je uz stručnu pomoć i konsultacije Izrađivača akta o procjeni rizika radnih mjesta izvršila pripremu Prijedloga pravilnika o ličnim zaštitnim sredstvima i ličnoj zaštitnoj opremi za zaposlenike u cilju zaštite zdravlja i lične zaštite prilikom obavljanja poslova iz djelokruga rada Ustanove.

Na osnovu navedenog, predlaže se Upravnom odboru da na svojoj sjednici razmatra Prijedlog pravilnika o ličnim zaštitnim sredstvima i ličnoj zaštitnoj opremi radnika Kantonalne javne ustanove za zaštićena prirodna područja.

### Prilog:

- Prijedlog pravilnika o ličnim zaštitnim sredstvima i ličnoj zaštitnoj opremi radnika Kantonalne javne ustanove za zaštićena prirodna područja